

四庫全書

史部

欽定四庫全書

平定兩金川方略卷五十

二月丙寅阿桂明亮奏言臣等於正月二十日亥

刻派令興兆德赫布等帶兵進攻納札木山梁又

派王萬邦札爾桑等帶兵從納札木下溝穿箐攻

奪西一帶山梁臣阿桂明亮督同奎林和隆武等

進攻納圍正面山梁分撥已定至二十一日子刻

北風大作雨雪交加臣等督飭官兵乘此風雪賊

番不備之時分隊前進其越溝穿箐之兵不避險
滑先已潛至西山峯之下卡內賊番知覺放鎗迎
敵我兵鼓勇直前躍入卡內賊番不能抵禦踉蹌
奔竄我兵即將西山梁佔住其大石卡三座小石
卡七座同時攻克臣阿桂等所帶之兵直抵賊碉
崖下賊番出碉抵拒臣等督兵攻擊殲賊數名賊
仍入碉固守憑高處險餉絕齊發臣等隨令官兵
將前此所砍木植豎立木柵以資遮護並建砲臺

運砲轟擊其德赫布一路官兵亦同時發砲礮內
賊番多有轟斃者此次總計殲戮賊番不少而官
兵受傷者不過數名臣等復察看正東礮下有細
路一道緣陰坡冰雪甚深是以賊番砍伐柴木及
往來通信俱從陽坡行走臣等派令官兵向前安
設營卡三座逼近北路一見賊番踪跡即行擊打
日間賊已不能往來查當噶爾拉山梁綿亘幾二
十餘里雖賊番十四礮之外又有橫牆石卡互為

聯絡但地面較長守禦不能處處俱到臣等審度
情形若乘間奪取中間一二碉以破其勢此外自
無難於攻克隨於二十四日晚派撥侍衛章京將
弁等分爲五路均於亥刻以後進發臣阿桂明亮
同奎林等仍由正面山梁攻擊適福康安送印來
營一同領兵直逼賊人碉卡之下而碉外築有石
牆牆外護以木柵掘有深濠濠中松簽密布且濠
水凝冰難以逕越臣等指示官兵誘賊出碉中隊

之兵佯為撤退而令左右官兵潛伏山腿岩坎之
旁賊審約有百餘望見撤兵一同壓下伏兵俱發
其中隊官兵亦即回身奮擊殺賊過半其餘仍入
礮死守鎗石脅下並且用砲抗拒我兵施放新鑄
大砲當將賊砲轟去並傷斃賊人從此賊礮內即
不復放砲其博靈阿和隆武等帶兵由納圍正面
山梁之東溝底前進攻打亦擊斃多賊正在相持
之際而三寶綏庫等由納圍納札木中間小路進

兵已過逼賊礮之下賊番出礮抵禦經官兵合力奮攻賊番敗走上山又復從後放鎗擊打據巴旺布拉克底土弁認明擊斃金川大頭人二名小頭人四名其餘殲斃三十餘人其德赫布與兆玉萬邦等兩路亦擊斃二十餘賊因賊番悉力守禦自寅至酉各路官兵始行撤回伏查當噶爾拉山形賊礮愈近崖勢愈陡官兵步步仰攻殊為費力此次我兵奮勵勦殺多番且殄其頭目定當寒心奪

氣臣等惟有悉心籌畫亟為摧破之計且現得之
靠西山峯官兵營壘高與賊碉相等凡當嚼爾拉
之後如克舟九寨及金川中間之河皆可窺見雖
賊者衛死心切若出其不意間道進攻賊自不能
久拒再查二十五日接仗時有雲南尋霑營馬兵
田元慶在納圍西邊一路忽見賊目一名即行趕
殺誅兵為冰雪所滑仆而復起仍前追上當將賊
目砍死又尋霑營馬兵涂登弼越衆迎敵首先砍

死一賊均屬寔在勇往臣等已給與把總委牌現
在行文雲貴總督遇缺即補奏入

上諭內閣曰此次官兵進勦當噶爾拉雖未能全克賊
寨而阿桂等調度有方帶兵將領俱能奮勇出力奪
碉殲賊甚屬可嘉阿桂明亮著交部議叙其在事之
將領弁兵著阿桂等查明核定功績等差咨部分別
議叙至雲南尋雷營馬兵田兀慶涂登弼奮勇殺賊
尤為綠營兵內勇往出色之人宜加優獎著交與阿

桂等倘遇有軍營千總缺出生補並各賞銀五十兩以示鼓勵

上又諭軍機大臣曰細核阿桂等摺內所奏情形二十日雪夜攻克大小石卡係王萬邦扎爾桑等一路之功廿四日擊斃賊目係三寶綏庫等一路之功其餘在事出力之將弁雖勇往相同而功績不及著阿桂等據寔查明核定等次咨部分別議叙溫福等各路軍營嗣後凡遇議功之事均當照此辦理衆人聞之

自必益加鼓勵又滇兵田元慶涂登弼越衆爭先手
戮賊匪已有旨將二人拔補千總可見綠營內未嘗
無得力出衆之人惟在帶兵者驅策有方士卒自無
不用命且伊等見將軍於兵丁克著勞績者即為入
告朕聞之亦即加優擢人皆具有天良有不感奮思
自効者乎昨降旨各省督提令酌給殘廢兵丁名糧
以資養贍溫福等當以加恩體恤之事徧諭綠營弁
兵俾知賞罰至公有功必錄更足以資激勸至阿桂

以當噶爾拉山梁綿亘欲出其不意奪取中間碉賊
所籌極是惟在阿桂審度機宜乘間深入以成掃穴
擒拒之績溫福等均當努力妥辦共建殊勲將此一
併傳諭知之

上諭內閣曰此次征勦金川調到各省綠營官兵頗知
衝鋒越險屢著勞績業經隨時降旨擢賞而其中臨
陣受傷及在山梁凍損手足者均屬勇往出力之人
與尋常因病遣回者不同今以殘廢回營若該管官

遽將伊等名糧開除使其不能藉升斗以資目給殊非所以示體卹著諭令雲貴陝川四川湖廣各督提等查明此項兵丁如寔在不能搵演技藝者不妨令其充當看守門庫等項差使或并此亦不堪驅遣即令其子弟頂補名糧若並無子弟可補仍給與守糧一分以贍其家俾得共資餼給安養餘年用昭格外加恩至意該部即遵諭行

己巳溫福海蘭察奏言臣等帶兵攻取功噶爾拉

兩旁山峯雖經佔據賊碉但山口雪深路狹現在
晝夜用砲轟摧賊衆詭譎死守不出臣等差人徧
覓間道探得功噶爾拉山後沿北山梁過兩大溝
向東而行係簇拉角克溝山口沿山向西至溝盡
處復登山頂地名昔嶺乾隆十三年由喀爾薩爾
進兵即分路攻取昔嶺由昔嶺至噶拉依路小而
近又無阻隔臣等以為與其株守功噶爾拉耽延
時日不若分攻昔嶺以綴賊勢昔嶺一得稍留士

卒牽制功噶爾拉賊人而以大兵合力直趨噶爾
拉依於事機始為有益現已派副都統額森特等
帶兵越過功噶爾拉北山梁臣海蘭察等帶兵向
簇拉角克分路前進會攻肯嶺奏入

上嘉之

同日溫福奏言正月二十四日據功噶爾拉守卡
游擊王滇報稱有從金川投出番人敦巴一名差
人押送到營臣親行研訊據供係金川革退頭人

派在功噶爾拉守卡因此逃出守卡情願指引官
兵攻破金川救出家口並求賞給白旗招降等語
臣詳加體察敦巴懷忿來投固屬情事所有似無
可疑至招降一節若大兵深入逼近賊巢用之衆
心惶懼之時一經招撫勢如瓦解今攻巢伊始逆
酋恃其地險碉堅尚未寒心破膽而其屬下番人
雖見小金川滅後歸順番民安輯得所遂爾心生
疑貳陸續投來但其中桀驁之徒未受創懲尚不

免妄思自逞若遽欲勦撫並行恐未能成破竹之
勢反為賊匪所輕臣現今敦巴隨營出力並飭將
領留心查察總俟攻破賊酋咽喉要地兵威大振
有可以遣用敦巴之處再行奏

聞酌辦奏入

上諭軍機大臣曰勦撫兼施固兵家制勝之一法而用
之貴審其時若當賊眾窮蹙時藉以迎機而導即可
散其黨羽慰其僨望事理順而成功自易若賊未受

創生畏惟當一意進攻不宜稍涉遷就倘無端招誘
徒為賊所竊笑即賊詭稱款附且恐墮其術中不可
不加審慎今溫福既堅持定見不肯輕率招降而阿
桂亦明習軍務曾有成算即豐昇額何隨在滇中亦
曾閱歷而各路叅贊領隊大臣等並多勇幹得力之
人分道進勦自能迅奏膚功共荷酬勲茂典惟願伊等
益加奮勉早副朕懷

庚午劉秉恬奏言

臣

於正月二十二日由功噶爾

拉起程前赴布朗郭宗處處查勘情形中徒據簇
拉角克守卡兵丁稟報二十六日早間溫將軍派
出官兵三千自功噶爾拉越山東至簇拉角克溝
內聞欲從此進攻昔嶺等語臣思由美諾運糧至
功噶爾拉約有百餘里今由功噶爾拉至簇拉角
克雖有捷徑亦不下六七十里臣在功噶爾拉時
尚無由簇拉角克進兵之說各糧員更不能先知
信息且彼等亦不知簇拉角克在何方向倘官兵

裹糧告罄後任未到所關非細當即飭令各糧員
加緊趕運查由布朗郭宗至簇拉角克溝口不過
十餘里進至溝內亦止六七十里現在布朗郭宗
存糧數百石此地尚未設有站夫暫將兵役人等
儘數撥湊並令小金川頭人招集附近番婦番童
背米一百餘石於二十七日接續前往所有分攻
昔嶺官兵口糧可期無悞奏入

上嘉之

同日劉秉恬董天弼奏言臣等欽奉

諭旨以曾頭溝及丹壩等處為官兵後路務須如意防

範臣等就各處實在情形悉心會議查布朗郭宗

一帶不特美卧溝係通金川之路即迤北之曾頭

溝瑪爾當大板昭喀爾薩爾等處均與金川路徑

相通至西南之簇拉角克溝尤為接壤臣董天弼

將溫福所留官兵酌量分派駐守各隘之外其由

梭磨至丹壩約有七八站由丹壩至綽斯甲布軍

營又有五六站此等山僻間道賊匪多可潛行現
為糧運所經均宜派兵護衛以昭嚴密但丹孛駐
兵只敷防守本處勢實不能再撥臣等再四籌議
應於本省添調兵一千六百名以一千名赴美諾
總滙之地再從美諾分派布朗郭宗各處以六百
名徑赴丹孛臨時派在緊要處所防護餉道以期
妥協奏入

上從之

辛未

上諭曰阿桂着任議政處行走

癸酉豐昇額舒常奏言臣等前次攻擊達爾圖山

梁碕卡鏖戰良久未能乘間勦殺即日進攻適連

朝風雪所覓之路林箐既深已皆凝凍是以稍待

晴和至縛斯甲布土兵自縛爾甲木燦來營頗為

出力臣等已量加獎賞以示鼓勵其三雜谷土兵

現在渡河亦可不日抵營惟是達爾圖山梁碕卡

橫列賊番糧運水道俱在碉卡之後官兵不能越
過襲取每日用礮轟推毀其碉卡以便分攻奏入
報

聞

甲戌阿桂明亮奏言正月二十九日亥刻賊人因
納圍之旁林樹深密潛出百餘人偷劫營盤官兵
早有預備放鎗迎擊賊衆當即敗逃次早察看溝
內雪上尚有踪蹟蓋因夜間官兵追趕甚急賊番

不能徑自回礮潛入林中躲避遂酌派官兵下溝
搜捕果有賊七十餘名潛伏直待官兵逼近始於
箐內突出我兵奮力向擊殺死賊人甚衆受傷奔
逸者僅十餘名至納扎木靠西山梁前經官兵佔
據現又令五岱等設法掣卡再行進逼以便攻擊
二月初二日子刻五岱等帶兵三百名乘賊不覺
前往奪據礮前山梁賊人驚起放鎗迎敵我兵一
面掣卡一面擊賊比及黎明賊始敗退現已掣卡

二座卡牆一道相距賊碉甚近俟將新鑄之砲運
至梁上望東平打既為得力而德赫布等所帶之
兵又順山梁自南而北向上合力轟摧賊番往來
不便其碉自難支守一得此碉即可審察情形派
兵繞截破後奏入報

聞

同日阿桂明亮又奏言前巴旺布拉克底土司等
差其頭人赴營稟稱現有納爾布普寺喇嘛帶領

徒弟並小金川番民男婦共十五名從金川出至
土司地方應否准其進卡土司不敢擅專臣等隨
令派撥土兵管押送營今於正月二十七八等日
陸續到來臣等以談喇嘛等既從小金川同僧格
桑竄入金川何以此時復行投出且又帶領多人
恐其中不無鬼蜮伎倆遂令分別看守臣等親加
訊問據老喇嘛發爾齊木擁隆供我係哲木諾寨
人向住小金川墨爾多山木爾布普寺因僧格桑

叫帶徒弟前往念經未幾大兵攻破美諾因欲投
誠僧格桑不聽回本寺又復不許後又令赴布朗
郭宗念經未幾大兵攻破美諾僧格桑押令同往
金川行至勒烏圍見莎羅奔伊再三向說始得放
回昨到噶拉依沿途見有墨壟卡了等處番人被
金川搶去在彼饑餓不堪因係向來認識懇求帶
出我與索諾木傳事說明令人導引出來等語臣
等以番人素重喇嘛聽其自去尚為情理所有至

所帶小金川被掠番民賊酋不為阻止事有可疑
復加嚴訊矢供不移似無遁飾查簇爾齊木擁隆
狀已龍鍾似非狡惡之人其隨出人內精壯番丁
亦少且挾有眷口即單身來者詢其親屬亦多在
墨壟卡了一帶居住但此等番民究難深信不可
不留心防範除老幼婦女令其仍歸本寨外簇爾
齊木擁隆本係明正之人諛土司現在軍營將其
徒弟喇嘛均交收管毋許即回諛寺其餘衆番交

與五福酌量分別安插統俟勦滅金川再令各回
本寨奏入

上諭軍機大臣曰阿桂等奏連日築卡進逼情形所辯
尚好至另摺所奏將脫出之小金川喇嘛安插明正
土司一事所辯未為妥協此等喇嘛既與僧格桑素
為接洽難保其不探聽內地之事與賊潛通消息斷
不宜仍留番境着傳諭阿桂等即將喇嘛簇爾齊木擁隆
及其徒扎什策零洋伊什籠藏三人押送來京以備訊問

乙亥

上諭軍機大臣曰閱所有各土司全圖以溫福現攻之
功噶爾拉山計之喀爾薩爾在其北其所擬分兵進
攻之昔嶺又在喀爾薩爾之北似必須攻克功噶爾
拉喀爾薩爾兩處然後能至昔嶺溫福既云覓道斷
非仍就此路而行近據劉秉恬奏稱聞溫福派兵自
功噶爾拉越山來至簇拉角克溝由此進攻昔嶺並
稱簇拉角克溝口距布朗郭宗不過十餘里等語是

溫福所派分勦普嶺之兵仍須回至小金川地面再由間道前往自可遶過現攻險隘以收腹背夾攻之益但按圖核計殊難明晰著溫福將現在攻勦道路山梁形勢確定方向詳悉繪圖具奏再開圖內金川四面皆土司地方環繞且有官軍分布夾攻惟其北由丹壩而出即係郭羅克界前層屢次計及逆酋當窮蹙之時必由丹壩軼出藏匿郭羅克故令董天弼駐守防截並諭溫福妥酌辦理此時尚未據覆奏著

再傳諭董天弼此事專責成於彼若兩逆首由此路
潛逃董天弼能立時擒獲自當錄其功績倘漫不經
心任其免脫則罪無可逭或兵尚不敷不妨據實陳
奏再為添派免使日後以力弱藉口

丙子溫福奏言

臣奉

諭旨以兩逆首窮蹙嗾走必由丹壩逃往郭羅克令派
大員一人帶兵二三千名防駐並於董天弼五福
二人內酌量派往

臣

查丹壩地方其北境雖尚有

三雜谷土司為之環統然附近多有金川可由之
路從前董天弼由曾頭溝進兵丹壩已派兵防範
今豐昇頗由緯斯甲布進勦金川丹壩尤屬切近
況為該路糧運所經臣在布朗郭宗分兵時所有
董天弼原派駐守丹壩兵丁七百名並未撤回是
現在有兵駐防但該處地闊緊要誠如

聖諭理宜特派大員加添兵力方為有益臣查布朗郭
宗各處前已留兵二千數百名交與董天弼分派

駐扎嗣復遵

旨與督臣劉秉恬通盤籌議各路防守之事因美諾為

糧運總匯

臣

又酌留兵五百名交與五福帶領駐

扎茲復調川兵一千六百名以一千留駐美諾以

六百派赴丹壩

臣

思美諾雖為賊匪舊巢然現在

當噶爾拉功噶爾拉兩路大兵進勦美諾介在其

間賊斷不敢由此逸出美諾有兵千名足敷彈壓

而丹壩一路既須加添兵力

臣

請即以所駐美諾

兵五百名派往合之董天弼原駐之七百名劉秉恬現調之六百名共有一千八百名兵勢已不為單弱自可不致疎虞至董天弼五福二人才力孰優之處臣查董天弼久在川省諳悉番情且自布朗郭宗而北至曾頭溝一帶地方遼濶諛提督承辦安撫降番事務頗屬殷繁似難以調往他處至五福近因調赴來營見其年力精壯人亦結實帶兵似可得力諛鎮向任維州協今陞松潘鎮調往

丹壩等處本其所屬亦為人地相宜奏入報

聞

同日溫福又奏言查西番字體語言臣平時本未

通習每遇有投到番稟祇令通事譯出詳加核對
然後進

呈茲奉

諭旨逆首索諾木遞來稟帖中所有納木喀濟雅勒布
即西番語天汗之處臣傳齊各通事等逐細研訊

據稱逆酋之父原名納木喀衆所共知其郎卡之名係從前內地音譯如此且納木喀係番人稱天之語番人往往以此為名至濟雅勒布係番衆尊其土司為主子之稱現在瓦寺鄂克什本坪各土司屬下番衆稱其本土司無不皆然等語臣查索諾木此稟其情詞之狂吠可惡不止一處實堪髮指即郎卡本名或果係納木喀而與濟雅勒布相連安知非逆酋有心妄作以內地未必通曉番語

隱肆其狂悖之計臣當恪遵

聖諭繕給回文將逆酋父子痛加斥詈使此等禽獸不
如鬼蜮自逞者不能稍遁其形乃可直破其膽再
查逆酋如此悖逆將來給與回諭不可不嚴切問罪
用以申威舒憤並非尚與文檄往來即使逆酋具
稟哀求總宜置之不睬奏入報

聞

同日

上諭軍機大臣曰據溫福奏令五福前往丹壩朕思五福究不若董天弼之練習昨已有旨將丹壩防堵逆首逃竄一事責成董天弼著仍遵前旨令董天弼速往駐防其布朗郭宗等處董天弼所辦之事即交五福代辦至董天弼前赴丹壩並非進剿不過設卡守巡似無須再添兵力其美諾雖不虞賊番逸出但係緊要地方亦不可不防其潛來滋事原駐之兵似不應撥赴丹壩著劉秉恬會同董天弼即將實應需兵

若干之處詳悉熟籌妥辦覆奏再從前溫福等由巴
朗拉進兵層層山險路窄攻勦甚為不易今自攻克
小金川以來軍臺餉道由西路設站安行頗覺便捷
若所經即係前此進兵之途何以路逕難易今昔情
形迥別此又理之不可曉者著劉秉恬查明自維州
至美諾經由臺站道里開列清單或併繪圖具奏又
前據阿桂奏從金川脫出之喇嘛齊楚木永仲師徒
三人已諭令解京候訊今用番字核對則齊楚木永

仲乃簇爾齊木擁隆札什車爾真乃札什策零洋伊
什隆真乃伊什隴藏原譯之名實為舛謬且路重軍
營奏摺似此隨意譯寫者不可枚舉溫福等即未習
西番字豈清字亦不能辨別乎著將更定之名兼寫
清字發去照式改正嗣後遇有對音之字宜詳加斟酌
毋致踏誤可笑

同日溫福海蘭察奏言臣等差人偵探路徑酌議

由肯嶺進兵臣溫福計臣海蘭察額森特等兩路

抵昔嶺時約期會合正月二十九日夜間副都統
職銜烏什哈達總兵牛天昇等領兵一千五百名
直趨功噶爾拉山口副都統巴朗提督李煦等帶
兵一千名由大兵所據之右邊山梁緣脊而進

臣

溫福督率所餘官兵援應二月初一日黎明時烏
什哈達等率兵冒雪登山奮勇攻擊已逼碉牆其
時巴朗等亦率兵突至殺賊十餘人佔據一卡因
山巒險峻現於該處急造砲臺將對面賊卡晝夜

車擊_臣海蘭察等率兵越北山至蘇克乃地方奪

卡二座殺賊二十餘名將木果木後山梁佔據額

森特等率兵亦於固木卜爾地方殺賊四十餘人攻

得卡_卡現在兩軍會合并力進攻又得碉卡五座

蘇賊甚多但由此處前望昔嶺步步均屬險峻俟

雪凍消融人力可施即當相機辦理奏入

上嘉之

平定兩金川方略卷五十

欽定四庫全書

史部

平定兩金川方略卷五十一
三

員外郎臣顧宗泰覆勘

總校官原任侍講臣王燕緒

欽定四庫全書

年定兩金則為零卷五十一

二月辛巳附桂明曉奏言查納圍山右面溝內樹

林濃密尚係官真砍伐柴薪取雪融水之所二月

初七日附聞繼進哨兵見有賊人踪跡即派兵

設伏先令三次作為取柴下山果有賊七八十人

自林中出衝尾督行欲圖搶掠設伏官兵衝出擊

斃十餘人餘仍穿林奔去入礮踞守其納札木兩

旁林莽亦有賊番潛伏經官兵衝擊殺死十餘名
初十日臣等派令官兵督同草布什叻嚕密章谷土兵
下溝搜捕又有賊數十人藏匿一見官兵踉蹌分
竄查官兵於納札木靠西山梁孛築石卡距賊雙
碓甚近而欲繞出其後必經此碓之旁賊番因官
兵愈近守禦愈嚴必須大礮轟推使賊碓殘毀始
可趨勢攻撲今將新鑄大礮運至靠西山梁施放
賊碓已多孔穴且時見有賊人隨礮轟去者目前

現在銅斤短少將前此炸裂之礮鎔化改鑄於十一月復鑄成大礮一位送上山梁由納圍正面合力轟擊日內當並見顏墮即可奪礮采入奏入報

聞

同日阿桂奏言二月初八日准溫福來咨以現奉諭旨令籌辦駐防丹壩事宜其松藩鎮總兵五福是否可以調往查防範賊首竄逸事關緊要但五福所

辦降番係由別斯滿美諾南抵卡了約咱又加以
汗牛一路寨落隔遠戶口繁多必須五福辦理方
為妥善而董天弼久在川省雖於各土司原委頗
為諳悉但前隨阿爾泰辦事意存姑息不能壓服
土司非緙斯甲布者所敬服丹壩與之接壤實非
所宜至丹壩一路有兵一千數百名加以本地番
民不但堵截賊首審度形勢隨時攻擊自非明幹
之員不能勝任五福年力方剛為人明白勇往且

丹壩土司又係松潘鎮所屬若令帶往駐防自為得力現在臣等督兵分勦金川三路形勢雖各不同然於賊酋緊要門戶尚未摧破此時未必即為速逃之計且劉秉恬等所調川兵約至美諾亦尚須時日臣等一面奮力進攻一面催令五福將降番迅速查辦並咨明劉秉恬酌量該鎮應行起程時即令帶兵前往奏入

上諭軍機大臣曰前因計及逆酋當窘蹙之時必由丹

壩搶掠逃往郭羅克曾諭董天弼帶兵乃截嗣溫福
奏請令五福前往彼時因董天弼於番地較為練習
故令其仍遵前旨令阿桂奏稱董天弼從前辦理番
情意存姑息不能壓服各土司是董天弼於丹壩駐
防之事實非所宜至五福朕雖未能深知其人既據
溫福阿桂等奏其明白勇往年力正壯自可望其得
力已如阿桂所請行著再傳諭五福奉到此旨即速
起程務須實力奮勉加意防範並善為駕馭該處番

衆勿令驚疑

同日溫福海蘭察奏言數日以來臣溫福督率官

兵攻撲功噶爾拉賊碉屢經直抵碉根而牆堅凍

滑難期得手臣等竊思賊番如此負隅若拘定此

處進攻實為非計查昔嶺一路從前由喀爾薩爾

前往計程尚有三站今若從額森特所經之公布

爾山進抵木果木雖山路陡仄冰凌亦滑然量為

修闕大兵行走尚為近捷臣溫福自應從此路先

赴木果木親加察看以定籌辦之局當於二月初五日丑刻起身鑿冰開路一日即抵木果木查頗森特駐昔嶺之下離賊寨甚近砲力可到現運大砲二尊轟擊由木果木山梁回看功噶爾拉了口反在背後自了口以下中間有巴都智固德爾拉三卡過此方抵喀爾薩爾均可指數賊番防禦甚嚴其木果木之前有山腿三條俱經官兵佔據由儘此一股而下即係昔嶺山脚賊亦設卡守禦其中一

股可至色爾里寨傍南一股過溝為喀爾薩爾賊
寨正功噶爾拉賊番後路是木果木官兵已繞出
喀爾薩爾之外雖噶拉依尚隔山溝據各番人指
點方向相去約不過四五十里臣溫福臣海蘭察
與各隊大臣提鎮等悉心商酌俱以由昔嶺進兵
為便臣溫福當即移營至木果木督辦惟是大兵
由功噶爾拉了口北邊進抵木果木大營一路山
梁綿亘逼近賊番其中如簇拉角克溝形勢尤闊

緊要必須卡兵聯絡以資防堵即功噶爾拉雖未易
攻亦須留兵以緜賊勢其功噶爾拉之附近山梁
官兵卡座均應督率稽查後路方為嚴密臣等通
盤籌畫功噶爾拉派提督李煦副都統常保住帶
兵三千名防守仍似大兵在彼時晝夜推擊使賊
人不得他顧其木果木北面山梁派侍衛德爾森
保副將多隆武等帶兵一千二百名馴駐簇拉角
克一帶派總兵張大經帶兵五百名防駐後路臺

站糧運彼此接應庶幾迅擣賊巢不至耽延時日
同日溫福又奏言查兵丁脫逃罪難寬宥大兵采
入之時尤宜法律嚴明以警疲玩計自進勦以來
甘肅陝西貴州兵丁間有脫逃為數甚少惟川省
兵丁自上年至今逃者多至八十餘名新募居其
大半推原其故前歲川省招募新兵六七千名維
時用兵之始有業民人不願投充其應募來者均
係游手無賴之徒在地方承辦文武各員急於調

發未能逐一推求得其平日踪跡此等新兵初抵軍營攻撲自前似頗得力歷時既久故態復萌遂致潛行逃免臣據各營具報立即咨行本省督提及隨營糧員并軍營局嚴飭各臺站並內地州縣速緝務獲但口外深林密菁易於藏匿且夜晝隱伏穿爬山徑而營弁站員接仗運糧各有專司勢不能兼司搜捕至進口以後或潛踪跡本籍或竄往他鄉均未可定萬一令其漏脫此風漸不可長

近日詳加體訪惟於各關路特派文武幹員查緝如西路汶川縣以下即係瓦寺之境界以大河必須從桃關及汶川之兩索橋行走三雜谷一帶必從維州二道橋行走本坪一路必由扎德關南路必過瀘定橋此外即或有山僻小路然臣詢於熟悉路徑之人均稱亦止一二處易於堵截應請

旨勅下督臣令各路關津隘口派撥文武員弁稽察疎縱者嚴參治罪獲多者量加鼓勵如此辦理則各

兵皆知難以逃脫自不敢效尤成習均奏入

上諭軍機大臣曰功噶爾拉路險碉堅既難立時攻克
自不宜在彼株守若能設法將昔嶺賊碉攻破可徑
至噶拉依自較為便捷今溫福留兵在功噶爾拉以
綴賊勢而自領兵至木果木會合海蘭察併力致攻
自屬勝算但據稱其地與噶拉依尚隔山溝坡坎甚
大而番子等指點方向大約不過四五十里等語所
指固屬近便但番子等其心叵測雖指點方向所言

不可輕信一為所愚則兵勢不免頓挫便傷國體故
進兵之路必須偵探明確方可深入慎勿為番衆所
愚至溫福進兵後路雖派李煦等帶兵分守但其經
由之路似在小金川之境居多而簇拉角克形勢尤
緊要恐總兵張大經防駐尚不足濟事著劉秉恬於
帛噶爾角克等處軍營適中最要之事將美諾現有
兵內帶領五百名前往駐守則聲勢更大即可資聯
絡應援之益而後路之防範亦更得力又另奏嚴緝

逃兵一摺着交與劉秉恬嚴密辦理至各關隘派員查緝均須明幹能事之人恐川省人員尚不敷派委現派軍機大臣會同吏兵二部揀選知府以下知縣以上及叅遊都守等官文武各十數員發往川省以備各關隘查緝委遣到日着溫福即於此各官內酌量調派仍將作何防緝之處附摺具奏

臣等謹按大兵進勦軍糧器械均在後路必須防衛嚴密布置周妥方無返顧之虞其新降番

衆所言難以輕聽我

皇上於未事之先即以進兵後路多在小金川之境內

諄切

飭訓丁寧再三蓋小金川本與金川同類歸附之初反

側未定是以

特為指諭使軍營由此熟計無籌毋為番衆所愚所以
思患而預防者至深且遠矣

同日阿桂奏言查索納木凶頑悖逆滅亡在即猶

敢肆其狂吠前來投稟臣詳察賊情蓋因大兵四面環攻勢難久存轉為誇大之詞希冀或寬誅戮是其詞愈誇適見其心愈餒而其狂悖愈見則愈為天理所不容其致死亡亦必愈速臣前此進抵當噶爾拉以賊酋本與虫蟻無異惟當盡力勦擒不直更通言語因選派鎮將及侍衛章京率兵徑取有賊番叫喚均即用鎗攻打一切置之不理惟於前月二十五日接仗時有賊番叫問新降番衆我

們皆係自家骨肉何以如此替官兵出力臣令降
番等告以我們自投順

天朝碉房地畝絲毫不動其派出打仗之人每日皆
給口糧不須婦女餉送所有餘存鹽菜銀兩
並可帶回家用在家之人仍得照常耕種且
陣亡者給有念經銀兩受傷者又有養傷銀
兩多殺金川一人又多蒙一分賞賜緣何不
肯出力賊番聞此俯首無辭似覺心動時有

賊目見此光景即舉矛桿驅戰我兵望見真切
遂放鎗將賊目二人擊斃此外並未更通一語
是以賊人無從再來投稟臣今已分路進攻惟
有堅持必滅之志尅期架入至兩金川及鄂克
什三襍谷丹壩草布什咱縹斯甲布巴旺布拉
克底各番人俱係跣足披髮步行山箐謂之
甲壘其德爾格忒麻書章谷納林冲等番人習
於馬上風俗與蒙古相似謂之霍爾族類各殊

本非一種今既殄滅小金川起自雜谷腦南達打
箭爐官兵已橫亘於甲壘諸部之中其在金川右
界者惟綽斯甲布一土司北界者惟從噶克丹壩
兩土司賊酋索諾木等即窮蹙竄往綽斯甲布等
處以臣愚見各土司斷不敢留而霍爾各部非其
同類更不肯容情藏匿若逃往郭羅克中間尚隔
丹壩從噶克境此各土司亦必無任其遁逃之理
至郭羅克有上中下三部落內惟中郭羅克土千

戶瑪克蘇爾滾布素不安分然戶僅數百設索諾木等逃入其境現在兵威辦理非難茲蒙

訓示精詳令派兵往駐丹壩先事預防賊酋更無從免脫而丹壩於現有漢土兵七百名外再添一千一百名實可分綴賊勢于征剿之局更為有益總之逆酋等罪惡貫盈神人共憤一俟剿洗金川則兩逆首斷無逃死之處必能駢縛生擒以彰顯戮奏入報

聞

同日劉秉恬鄂寶奏言臣劉秉恬前在布朗郭宗聞將軍
溫福帶兵數千自功噶爾拉越山由簇拉角克溝統道進
取昔嶺隨飭兵役等及附近番民趕運米一百餘石隨營
前進於二月初一日早送至叅贊海蘭察營盤其功噶
爾拉轉運之糧亦於是日晚間趕到臣等復查昔嶺軍
糧正月二十八日由功噶爾拉送過米九百石二月初
六日又運米九百石以米數核計兵數已可無虞缺乏

至功噶爾拉軍營現存米三千餘石足敷日食及裹帶之需當噶爾拉軍營現存米一千餘石又由木坪一路運到僧格宗米二千餘石自可源源接濟綽斯甲布一路據知府盛英稟稱截至二月初二日存米六千餘石丹壩一路亦已辦有就緒一俟該處餉道通行所有打箭爐以內臺站即可裁撤以歸節省再臣等聞溫福帶兵數千前赴海蘭察軍營兵數加增道路愈遠立即派委營弁查探該處路徑並令建昌道白瀛酌量此路情形妥協籌定

臣等將一切接應事宜加緊辦理務期軍行迅速
早奏膚功奏入報

聞

同日劉秉恬又奏言

臣欽奉

諭旨於回至美諾後即差弁前往功噶爾拉當噶拉二
處砲用逐一詢查據管理功噶爾拉砲局官員稟
稱現在軍營內除原有大礮二位外已另鑄大礮六位
又於雅州調取銅一萬斤不日可到惟生鐵二千

餘斤未能敷餘等語臣查生鐵係礮子所需最關緊要當即行文催復思美諾寨內有大兵從前進攻時被賊檢存生鐵礮子計五千餘斤運往軍營可應急需業已撥夫迅速送至當噶爾拉軍營現存舊礮四位新鑄大礮三位內有二位近經炸裂又需另鑄查功噶爾拉炭窑頗為充足美諾明郭宗等處積有舊存炭一萬二千餘斤儘可撥應當噶爾拉之用其銅斤一項據臬司李世傑已行文

雅州所屬之榮經清溪等處趕緊辦解臣復加
嚴催可期無悞又美諾寨內有搜獲破損銅器
計重一千三百餘斤臣將此項銅器運交當噶
爾拉營中添補鑄礮再查川省產銅雖不若雲
南之富然雅州素有銅廠若僅調用二三萬
斤尚屬裕如且由木坪運至軍營道路亦較省
城稍近所有錢局銅筋似可無煩借用奏入
報

聞

癸未

上諭軍機大臣曰昨溫福奏功噶爾拉賊碉難以立時
攻破因帶兵至木果木山梁會同海蘭察等攻勦昔
嶺而派德爾森保多隆武李煦常保住等各帶兵分
駐等語溫福相度機宜故爾分兵另勦朕按圖察看
我兵業已深入後路各處均關緊要賊匪本屬狡詐
不敢明為接仗探知我兵分駐因思合衆襲我亦未

可知殊為厯念德爾森保多隆武既派令防守木果
木之北面山梁此一帶之伊等專責仆賊宗碩突出
殺之甚多著傳諭德爾森保等時刻留守瞭望毋稍
忽畧致干咎戾其功噶爾拉碩卡久經溫福等攻取
不可忽然中止致賊酋知我方兵但仰攻較難而賊
衆階隙壓下頗易且竊却營寨是其所長尤不可不
防李煦及常保住在此照常駐守不過章綴賊勢原
非藉以果能攻克但駐兵三千儘足以資防守倘有

誅虞則李煦等之獲罪不小着傳諭伊等務須實力奮勉勿自貽誤昨已傳諭令劉秉恬帶兵五百于噶爾拉克簇拉克角克等處駐守兩處距木果木以後山梁不遠而攻克爾拉地方劉秉恬又曾親至其地照應均為甚便着劉秉恬於帶兵駐守之便先至木果木後入噶爾拉克簇拉克角克等處駐守無事得與李煦等詳審講論如有應辦事宜面為商定妥協調度仍即據實覆奏以慰廑念摠之不責伊等以攻剿

而責伊等以守禦不致溫福等有後顧之慮是即伊等之功勉之慎之

臣

等謹按書曰惟事事乃有其備有備無患春秋傳曰不備不虞不可以師善攻戰者必嚴守禦體察賊情酌量地勢分兵布置如手足之衛腹心杜賊叢窺伺之萌折羣醜勾連之計所謂無恃其不來恃吾有以待之也自進剿金川以來後蒙

聖明指示至溫福移營木果木之後尤厯

宸衷屢頒

明旨既責成所派侍衛鎮守復令督臣駐劄適中之地

察視險隘詳悉講論

聖心周密無以復加而揆幾審勢皆在于未然之先于

此仰見

聖謨之廣運焉

甲申豐昇額舒常奏言前進攻賊番所鑄大砲

甚為得力忽於旁午時炸裂隨鑄成食二十斤子
大砲一位與去冬所鑄食十六斤子之砲連續疊
擊因賊所據處山勢陡險而礮又峙其巔炮臺雖
高終不能與礮根相等乘此士氣奮揚間道進攻
庶可早為集事使賊匪迅雷不及掩耳因派令
富爾賽巴三泰等由達爾圖大礮正面攻擊侍衛
章霽佛倫泰等由大礮之東西進攻侍衛烏爾圖
納之提督馬彪等帶兵接應各路官兵至十二日

黎明一齊擁上衝至山梁賊番從礮卡中放鎗擲石而官兵益奮勇向往賊番見勢甚急有由礮卡溝濠內露身逃出者俱被官兵擊斃賊更畏懼伏匿僅由洞眼施放鎗石臣等令佛倫等一人領五六百兵穿入小道復令三四人于達爾一山梁西行賊信以為是驟有二三人者從達爾一山梁前向西抗禦復得一二賊人約計此次打仗于漢土弁兵間有傷亡其三雜谷土兵比綽斯甲布土兵

較為實心出力奏入

上嘉之

同日豐昇額舒常又奏言

臣等接奉

聖訓令于甲爾壘地方兵進攻牽制賊勢則達爾圖山

梁或易乘機而取

臣

等查甲爾壘以及正地原係

進取之路但自宜喜軍營取徑前往尚須七日非

若日旁之與達爾圖相距止六七十里易分賊勢

况現在漢土兵練除差撥駐守之外祇有一萬一

千餘名分為三路兵力稍單若將日旁官兵撤回
令往甲爾壘進攻又恐逆首知覺亦調其日旁守禦
之人併至達爾圖抗拒未便輕議移撤今探得日
旁山後有路進攻較易前次阿桂撤回正地兵內
奏撥一千餘名添赴宜喜約數日間可到臣舒常即
帶此兵丁並宜喜舊兵千名夜間潛往日旁會合
音吉圖永平等由新探之路擊其不備臣豐昇
額亦設法攻取總之此兩路如一處得手即可併

力直進奏入

上諭軍機大臣曰豐昇額等奏擊礮殺賊情形甚屬奮
勉惜殺賊尚少不能解恨至所稱大砲炸裂一節前
日阿桂軍營然此必趕鑄太急所致砲固一為軍營
急需然必如法成造方可經久若過于催趕火候人
工未到雖取便一時不能適用及至損裂另鑄轉稽
時日各軍營皆不可不知至砲既炸裂我放砲守砲
之人自不能保無傷損該二處砲裂時曾否傷人並

著阿桂豐昇額等查明據實具奏又另摺奏擬令舒常帶兵前往日旁擊其不備豐昇額仍由達爾圖一帶設法進攻所籌甚好豐昇額舒常各宜努力制勝
佇聽捷音

同日豐昇額舒常又奏言查三雜谷土兵于正月二十八日在丹壩渡河一事月等各稽時日令都司李天寶前往駕馭工噶諾爾布派出稽般並駕行茂以資濟渡土兵等得以挨次渡河即于二月

初五日全數到營再初九十一等日有賊十餘人
潛圖劫掠取薪汲水爾時經侍衛佛倫特等率領
官兵並三雜谷土兵由密林內壓下殺死十餘名
臣等著加獎賞以示鼓勵奏入報

聞

同日豐昇額又奏言臣去年從西路帶來之領隊
大臣現俱照舊管隊惟陝西甘肅官兵尚未有領
隊之人今福康安自京送印抵營應即將此項官

兵令其管領奏入報

聞

丙戌

上諭軍機大臣曰虎兇等供攻克昔嶺礮座分路而下
右手即可抵勒烏圖中間只隔數寨並非險要其左
手可抵噶拉依中間雖有色爾里地方然在此架
礮便可直抵噶拉依此路進兵最便等語是溫福現
在進攻之昔嶺甚為扼要易于得手未知近日情

形若何盼望捷音甚切但此一路與賊境相通之處頗多恐賊匪潛出大有關係昨已傳諭李煦德爾森保兩處加意防範並諭令劉秉恬帶兵適中駐守與伊等妥籌調度溫福等亦當一體留意將此傳諭知之同日溫福奏言臣大兵進勦後路糧運最關緊要屢蒙

皇上訓示諄切臣等無不凜遵防範以免疎虞今綽斯甲布一路各佔乃有賊番潛來搶掠糧石牛馬之

事自應留心防察該處所派後路之兵是否足數

防剿豐昇額必當妥協經理臣查綽斯甲布一路

原派員弁盡屬妥協復密令小心無致糧運踈

虞又臣近閱阿桂摺稿知撤回正地官兵又分撥

一千一百名以前赴綽斯甲布是該處前後已共

有兵一萬六千餘名足敷調遣矣雖彼處情形

無由深悉臣身任將軍統兵討賊不論何路得利

均屬有益是以何路需兵分撥調遣必期有濟

至木果木一路嶺山仄隘密箐深溝經由一百一
十餘里在在險要如張大經靜海多隆武分駐各
處多者留兵一千餘名今三路百名現在佔據各
山及遣調打仗之兵實不能再為抽減臣查川省
額兵共有二萬六千餘名今三路軍營現有川兵
不過一萬二三千名所存尚有大半雖有一切塘
汛及別項差使亦不應如此之多臣現已札知劉
秉恬查明川省兵額分撥若干委員鎮押前來

備用較從他省檄調自為便捷奏入報

聞

同日溫福奏言臣欽

諭旨詢及金川設機發石之法臣向聞賊番等有此法

而未見用至其臨陣所恃以抵禦者多用官兵蓋

緣番兵據其碉卡憑高遠望道路險易我兵情形

一望了然又于坡兵曲直縱橫之際是所熟悉是

以將甚便之兵指揮頗能順便我兵猝與之遇

石塊互相搏擊而下所及竟可至數百人而下步之遠甚至於懸崖陡壁之處以繩繫木為欄積石其間一俟官兵將近截繩于上萬石齊下最難防備是以每遇攻進或覓間統進必令官兵先審形勢方不致于受虧至于仰撲礮寨須用砲力轟擊使賊番匿不敢出無從施放鎗石然後官兵陸續爬上得至礮前奏入報

聞

已丑溫福海蘭察奏言臣等相機攻剿昔嶺每日帶同領隊各員登高瞭望詳察路徑即欲整兵前攻乃自十五日夜間大雪至十九日未止存積甚深于以行走攻擊恐未便利現在盡力用砲轟仆日來西嶺礮卡漸有損壞但大臣至木果木已四五日為雪所阻未得進發臣等實不勝焦急奏入上諭軍機大臣曰番地二月多雪地氣使然無足為異是以軍行多阻不克直搗其穴夏至冰消雪稀

當漸次消融自不致久有阻滯且溫福等現在設法
攻取賊寨見雪大路險料官兵難于輕進因而防範
之周以或可乘隙得手亦未可定轉不必過急于再
賡俟速回京面加詢問擬稱每次進攻土練屯兵甚
為出力俱見伊等誠心効順溫福等遇有此等用力
奮勉之屯練人衆各宜加以憐惜常為獎勵益堅其
奉公勇往之忱至阿桂一路是否亦多大雪官兵進
取若何實為厯念豐昇額一路分兵進剿亦未知即

能得利與否並著迅速具奏

平定兩金川方畧卷五十一

欽定四庫全書

平定兩金川方略卷五十二

三月庚寅阿桂明亮奏言

臣

等進攻當噶爾拉山

梁督率官兵將新鑄礮位晝夜上緊轟擊數日以

來賊番知官兵搜勦嚴密難以輕犯不敢出碉至

納扎木一路

臣

等復令德赫布等將營盤礮臺向

前設立距賊碉不過一箭有餘度其必來沖壓正

可痛加殲戮而賊番僅於碉內放鎗死守

臣

等督

飭工役復造大礮三位運至納圍納扎木各山梁
分頭摧擊使賊不知將從何處進攻即可乘機鏟
隙為殺賊奪礮之計現今賊礮已漸頽毀惟是山
勢既高雨雪愈甚雲霧迷漫之際賊礮至近亦時
不能見加以坡坳陡窄路滑泥深兵力更難施展
俟天氣稍晴即當督兵攻撲現在兵氣奮揚即土
練等亦人人各思自効自不難於乘機深入奏入
上諭軍機大臣曰阿桂等奏用礮轟擊賊礮已漸頽毀

因連日雪霧稍俟晴霽進勦等語因思雪霧迷漫之際我既不能時見賊碇則官兵蹤跡賊亦不能窺伺若乘此時派兵潛往攻其無備或因因而得手亦未可知前此西師恢復瓦爾齊時曾因霧得勝溫福阿桂皆所深知自可做用其法但番境坡陡徑仄蕪之近日雪深冰凍與西陲之地可以馳擊者不同則又當各就形勢妥辦不宜冒險輕進將此傳諭溫福等與彼詢商伊等務悉心斟酌以期萬全勿因朕有此旨

稍事勉強遷就也

同日阿桂明亮奏言二月十三日僧木則頭人阿開將脫出之小金川人安都爾送至當噶爾拉

臣

等問以如何脫出據稱金川頭人派人往僧木則偷放夾壩令我帶路行至相近僧木則地方誑說探聽先行遂投至族叔頭人阿開寨內等情

臣等復問以金川百姓情形又稱金川各寨糧食極貴

小金川逃往之人饑餓不堪俱欲逃出其金川百

姓各知索諾木等肆行狂悖為王法所必誅人人
有畏死之意臣等揣度賊情金川地境四面環山
各路官兵初辦雖覺其難然人心惶懼耕作漸荒
若攻破一兩處後則其瓦解之形必與小金川無
異所有該番安都爾即留在軍營供役並仍加意
防範奏入報

聞

癸巳豐昇額舒常奏言查宜喜軍營離水甚遠向

俱以雪煎水恐至天氣漸暖即有無水之虞探得
達爾圖之西賊據水泉二處臣等於二月二十日
五鼓乘風雪迷漫之際分兵三路潛至其處合力
奮攻賊番潰散傷斃甚多賊以水卡失去旋分三
隊衝來又被礮擊死四十餘人餘俱帶傷竄入深
箐官兵一面搜殺餘賊一面將泉佔據此後汲飲
有資軍心安帖而賊番取水艱遠自難久持至臣
舒常於二月十七日夜抵日旁駐營近林低處使

賊不能窺見次日細詢繞進夾攻之路約百餘里
處處設有碉卡臣商之音吉圖永平等當乘兵力
初增賊番未知速為一舉以期得手即派侍衛進
財保等由日旁山之南潛進奪其水卡又令副都
統永平等由山梁正路攻取大碉並派兵各持土
袋以備壙之用賊聞兵至施放鎗礮勢如雨下官
兵難以久立正在撤退間賊番百餘下山接應官
兵直前接仗殲十數人餘各逃竄查日旁形勢較

之達爾圖尚屬稍易現在飛調銅斤趕鑄大礮相
機籌畫以期必克奏入

上諭軍機大臣曰豐昇額等奏乘風雪迷漫攻得賊番
水泉二處所辦頗合機宜此賊竟敢接應支拒甚屬
可惡自須急用礮力轟摧以便乘勢攻取不知近日
曾續鑄得大礮否豐昇額等於努力奪往之時仍宜
留心慎重期於萬全制勝

丙申阿桂明亮奏言臣等前此移營逼近賊碉用

礮轟擊因遇雨雪連綿稍稽進取茲於二十四日
畧見開霽遂即分兵四路均於二十六日子時以
後陸續進發三寶綏庫等帶兵潛至碣前察看碣
外有牆牆外有濠濠外復有木欄守禦重疊即督
官兵拔開木欄躍過深濠推倒石牆賊番放鎗拋
石抵死拒守官兵奮勇不顧直前貼近碣根轉為
賊鎗所不及賊知放鎗無益擲石下擊維時天色
漸明官兵見露身擲石之賊即舉長矛向戳並用

箭仰射隨將礮根挖開洞穴拋入火彈礮內共有
三層火彈所及僅在下層不能得力官兵復身帶
火彈即於礮角奮勇攀登墜下復上將火彈拋上
礮頂其上排有橫木鋪設石板塗以泥土火彈亦
不能燒官兵憤切又將北面礮根刨挖折毀礮內
賊衆共有五十七人一時殲戮無遺並將頭人克
鄂殺死其躍出礮外賊番六人官兵砍死三人鎗
擊墮入山箐雪窖二人惟剩生口伊什一名將此

礮佔住查所得之礮係自西而東之第五礮其東面各礮內賊番前來接應經官兵上前迎擊鎗斃二十餘名仍退入迤東各礮固守其靠西山梁一路雖官兵所築石卡拒賊必不能久此次打仗惟副都統博靈阿頽下著鎗傷現在調養奏入

上諭內閣曰阿桂等奏分兵四路奪調殺賊情形均屬奮勉可嘉而三寶綏庫等率衆先登尤為勇敢著交部從優議叙而三寶明亮調度有方其餘各將領亦

俱出力均著交部議叙並著阿桂將在事將領弁兵等實在出色應加鼓勵者奏聞交部分別查辦所有陣亡及受傷官弁兵番並著查明咨部議加賞卹其新降番衆傷亡者亦殊可憫著照土練傷亡賞卹之例一體查辦使伊等益知感激用命

上又諭內閣曰三寶前曾在軍營出力此次又復勇往立功著加恩賞給副都統職銜

同日阿桂奏言

諭旨以糧員王嘉猷於泥峙崗途中遇賊應添派後路
防兵令臣等籌畫妥辦據溫福抄寄覆奏摺稿內
稱功噶爾拉一路原帶滿漢官兵一萬七千餘名
又各土兵四千餘名除分駐各處外現存打仗之
兵祇有六千餘名除不能抽撥應仍酌調川兵備
用等語臣查當噶爾拉軍營漢土官兵雖有一萬
五千餘名但應防後路有賊人來攻前後左右悉
係賊寨又須逐處留兵現有之兵勢難抽撥如巴

旺布拉克底連界之馬爾邦馬奈係乾隆十二三年進兵之路與賊境係犬牙相錯必須設兵重鎮於牽制之中並寓防範之道今僅分漢土兵一千四百餘名前往駐守其革布什咱地方均與金川相連今亦僅留漢土兵一千七百餘名分段巡警以上各處防兵勢難再減至綽斯甲布一路官兵合計共有一萬五千餘人但近日分兵宜喜日旁節次臨陣損傷及病故者諒復不少誠如

聖諭自不宜更為抽撥臣再四思維如溫福議稱酌調

川兵固為近便第川省現在馬步兵共現萬九千五百餘名除駐防西藏一帶臺站及分撥塘汛一萬二百餘名外計存營存城兵一萬九千二百餘名內自前歲以來分派西南兩路實止存營存城四千三百餘名川省幅幘遼濶且西南界均與猺夷番衆毗連不可無兵彈壓而各州縣咽喉匪最多尤須弁兵查拏稽察況即此四千餘名內遇有運

送火藥鉛丸軍械等項尚須隨時遣派前此劉秉恬董天弼酌調川兵一千六百名赴丹壩美諾已覺難辦此外自不便再調且此等揀存餘兵零星攢湊即至軍營恐亦不能得力臣伏思黔省官兵西路原調六千南路原調二千今南路自去年五月間即已僅存黔兵一千一百餘名懸揣西路原有之黔兵此時亦只可剩四千名蓋黔兵本無餘丁凡有陣傷亡故出缺仍咨回本省募補是原

調雖共八千其實只有五千餘人即再調二千尚與原調之數有減無增況川省如夔州協等處距省二十餘站而黔省之境內地方即與四川永寧接壤核其道里與派調本省官兵程途不甚相遠以之派往綽斯甲布軍營亦不致多需時日但聞黔省新補之兵丁幼稚居多恐技藝未能嫻熟如

蒙

俞允請飭下黔省巡撫提督仍於舊兵內選派進剿巡

防始收實用奏入

上諭軍機大臣曰阿桂奏請調撥黔兵二千名趕赴綽
斯甲布備用此時似可毋庸再辦前旨令熟籌抽撥
係指川省兵丁而言今川省已調派一千六百名分
赴美諾丹壩等處此外原無可再調至黔兵雖尚得
用但該省亦係苗疆需兵彈壓自不宜屢有調遣且
川省現在各路官兵俱已深入續調亦恐不及或綽
斯甲布一路實有必須添助兵力之處朕又難於懸

定已諭令圖思德拜凌阿於黔省近川各營現有舊
兵內預挑二三千名聽候調撥著傳諭溫福阿桂豐
昇額彼此札商通盤籌畫如果必需則一面調取一
面奏聞

上又諭軍機大臣曰阿桂等奏此次打仗博靈阿額下
鎗傷雖云調養無妨而朕心殊為厯念著傳諭阿桂
等將博靈阿所受鎗傷曾否平復之處即行奏聞

上又諭曰騰越副將斐慎現在軍營中帶領黔兵打仗

奮勉著加恩陞署雲南昭通鎮總兵俟績有功績再行實授

丁酉溫福海蘭察奏言

臣

等移營至木果木以來

適值連旬大雪未能進勦茲於二月二十五日天

晴臣等察看昔嶺山勢陡險賊碉環列必須攻破

此處方能直搗噶拉依查此嶺碉卡雖多其據扼

險要者自東而西共有大碉十座第十座之下山

腿之上又有碉四座牆一道橫截路徑

臣

等公同

籌畫初次進剿必須分兵進發攻奪要隘大加殲戮
以使賊番應接不暇方為有益因即酌量形勢派
撥官兵分為六隊進攻各碉座以及截路石牆臣
溫福帶領將弁督餘剩官兵於總要地方接應各
路官兵均於二十五日子刻攀援而上丑刻已至
碉前賊番知覺抵禦甚急我兵不避鎗石奮力進
攻此次額森特等所領攻取第九第十碉之兵將
火彈拋入賊碉乘賊番驚潰之際一擁而前有數

賊出碛逃竄官兵一面截殺一面擠入碛內殺賊四十餘名餘俱被火燒斃此二碛離海蘭察隊伍甚近臣海蘭察即一同攻取其各碛抵禦之賊亦經官兵各有殲戮臣等察看第七第八兩碛比別碛較為高大地勢亦更險要臣海蘭察與額森特烏什哈達普爾普會同馬全阿爾素納合力連攻自子刻迄申刻於山巒水雪之中往來力戰饑渴交并不無疲憊天色已晚暫議撤回隨將所得兩

礮立時折毀臣等復思賊番詭計前此幫助小金川與官兵接仗時每遇撤兵先於高處滾石賊衆隨石衝下此次正可借撤兵之勢誘其出礮大加勦殺因於山坳林箐間派兵設伏果有四五百賊出礮衝壓官兵有備回身奮擊且伏兵四出抄截趕殺眼見殲賊一二百人餘俱踉蹌奔入礮內此次打仗雖未即時攻過昔嶺而官兵奪礮殺賊奮勇倍常賊番自應喪膽奏入

上諭內閣曰此次官兵不避鎗石盡力攻勦均屬可嘉其中海蘭察額森特巴雅爾烏什哈達普爾普馬全阿爾素納尤為奮勇出力著交部從優議叙溫福董率有方其餘將領亦俱勇往均著交部議叙其官兵內有實在出色應加獎勵者溫福查福查明分別咨部核辦

同日

上又諭內閣曰溫福阿桂豐昇額等三路軍營自進勦

金川以來攻堅破險所向克捷固由領兵之人實心奮勉調度得宜而兵丁等亦均知勇往出力甚屬可嘉所有隨營打仗之各兵及土練土兵番衆等均著加恩賞給一月錢糧以示鼓勵其看營守卡樵汲供役各兵雖與衝鋒破敵者有間而効力軍營亦屬勞勩今並著賞給一月鹽菜銀兩俾得一體均沾恩澤該部遵諭速行

同日

上又諭軍機大臣曰溫福進剿情形甚屬得勢惟閱進到圖內其第九第十兩碉雖已攻破尚難據守而七八兩碉又堅大不能即克或可從官兵所有卡子處添設營卡斜連向上與九十兩碉舊址相接以隔斷賊勢或將五六兩碉設法攻取即從官兵所有卡子處添卡直上以斷賊往來之路其餘各碉自難存住就圖而論自當如此辦法今將圖內用紙標記可詢商溫福若該處情形能照此籌辦自為便捷如事不

可行亦不必因朕此旨稍為勉強至由昔嶺往噶拉
依之路俱有橫牆攔阻其牆不過賊番藉以聯絡攔
蔽究與築碉卡不同用礮轟摧自當即時頽圮官兵
就其破處乘勢直進彼橫牆復何足恃又閱舊有全
圖內布拉克底之北有地名曾達可通噶拉依其地
已在河東且圖內路徑似覺稍平何不從此路進取
該處與阿桂軍營相近已將原圖內此一節繪出寄
交阿桂籌辦

同日溫福又奏言查簇拉角克一溝其東口從布
朗郭宗之南帛噶爾角克之北迤邐而西至功噶
爾拉背面山脚而止是為西口過此又翻一山方

抵木果木與昔嶺對峙

臣

上冬由布朗郭宗進攻

功噶爾拉起程之日即由簇拉角克東口過山而

西歸入牛廠正道此東口即劉秉恬摺內所稱簇

拉角克溝口距布朗郭宗不過十數里遠

臣

查乾

隆十三年進勦昔嶺所設糧臺一路喀爾薩爾至

昔嶺計程三站此乃已過牛廠及功噶爾拉了口
由喀爾薩爾前進之路一從布朗郭宗至昔嶺計
程七站此乃經由木波等寨簇拉角克之溝進抵
木岡昔嶺之路至此番欲圖速擣賊巢是以由了
口傍北開闢道路翻嶺西行由簇拉角克溝之西
口又過公布爾山鑿冰為級復經樹林口進抵木
果木此一帶路徑從前用兵時未經開出而功屬
小金川地方由了口傍北翻山而來即入金川境

已有數十里 臣從木果木至昔嶺察看形勢在功
噶爾拉了口之正西中間巴都智固德爾拉等處
一望積雪約有四五十里現在官兵所駐木果木
前敵營盤下視喀爾薩爾在正南不過數里而中
隔大溝林箐叢密難以逕下其功噶爾拉了口轉
在木果木之東南六十里是大兵若已過功噶爾
拉山惟未從了口行走至噶拉依則去現在兵到
之處計程不過四五十里 臣惟有竭力攻勦如昔

嶺一經得手則進抵噶拉依賊巢較之由功噶爾
拉了口行走近至過半臣謹遵

旨繪圖貼說恭呈

御覽奏入

上嘉之

同日溫福又奏言前兩奉

諭旨臣當即嚴切行知董天弼連赴丹壩帶兵防範毋
致稍有疎懈並遵

旨調五福赴布朗郭宗駐扎一切安撫降番巡查後路
之事令其就近稟商劉秉恬妥為經理奏入

上諭軍機大臣曰前以丹壩地方緊要曾諭董天弼往
彼防駐嗣經阿桂奏董天弼前隨阿爾泰辦事意存
姑息於丹壩非宜故復諭溫福等即令五福帶兵前
往防守今據溫福奏到接奉前旨已嚴飭董天弼即
赴丹壩並調五福赴布朗郭宗此時即毋庸復調五
福前赴丹壩總之丹壩布朗郭宗兩處巡防事宜均

屬緊要轉不必拘泥前旨彼此往返更調徒致稽延
溫福阿桂正在進兵之時無暇辦及此等事務著傳
諭劉秉恬就此二員內現在何人已赴丹壩即令所
留之人在布朗郭宗一帶經理撫輯彈壓諸事

同日劉秉恬奏言

臣前此奉

旨飭令於美諾布朗郭宗丹壩等處添駐官兵原擬派
調川兵二千名前往嗣因川省存營之兵數無多
酌減至百名今各營業已預備起程遙往但現在

綽斯甲布需兵自應將此項兵丁撥往應用至溫
福前

奏將分駐美諾之兵五百名撥赴丹壩復經臣

奏請仍留美諾即以在省調撥之兵如數派往以歸
便捷今丹壩一路既無庸更添兵丁是此項官兵
本可停止但起程已久此時將次可抵丹壩查丹
壩一帶即為宜喜軍營糧運後路且距綽斯甲布
甚近豐昇額如有需用之處即可就近調取五六

百名合之前項兵丁四百名共計千名似亦足資
防勦奏入

上諭軍機大臣曰前因豐昇額由綽斯甲布一路進勦
恐原有兵力稍單是以諭令溫福等酌量抽撥調往
協勦今據劉秉恬奏稱前調川兵四百名已經撥往
應用又溫福請將派駐美諾之五百名兵撥赴丹壩
嗣劉秉恬即以在省調撥之兵如數派往共計約有
千名綽斯甲布添此兵力自足以資防勦是阿桂昨

請添調黔兵之處更可無庸再辦

同日劉秉恬又奏言

臣前經奏明親赴木果木大

營沿途查辦一切事宜隨於二月二十一日自美

諾起程行至崇德地方即遇大營次日始抵功噶

爾拉查該處糧臺即安在半山距賊甚近提

臣李

煦現帶兵三千名駐守自可無虞惟是功噶爾拉

地氣極寒四山皆雪甫經設站人夫尚無棲止之

所臣於附近站所飛調篾席搭蓋窩棚又湊集舊

帳房二三十架俾各夫免露處凍斃之虞而軍糧
藉迅速轉輸之力經理既竣即於二十四日啟行
翻越雪山兩座路過簇拉角克西口該處即係布
朗郭宗運糧接濟之路覆加查詢並專差營弁履
勘情形據稱簇拉角克溝西口至東口約六七十
里多係土路雖屬偪仄尚易開修由溝口通至木
波地方便合帛噶爾角克碉及布朗郭宗大路等
語臣查乾隆十二三年進勦金川時昔嶺一路原

由木波等處設站今若將此路開通較為平易臣

於數日內赴美諾時即取道往勘如所言屬實際
將留駐功噶爾拉兵糧仍從美諾運送外其木果
木軍營糧石即可由帛噶爾角克簇拉角克溝轉
運辦理似為便易臣於二十五日抵木果木軍營
隨赴前敵觀形勢賊番所據峯巒險峻堵禦甚密
二十五日進攻雖勦殺賊番頗多搶獲碉卡二處
尚未能佔據山峯將軍溫福現又妥籌以期克取

再臣自功噶爾拉前至軍營上嶺下坡路極陡滑
中有山梁一道俱由梁上經行梁下即係賊番相
隔不過二三里所派鎮將各駐要隘防範綦嚴惟
運道新開山高徑滑各夫負重爬越維艱臣又復
撥夫重修道路并將冰凌隨時砍鑿並飭建昌道
白瀛往來稽查督催糧運斷不致稍有貽悞奏入
報

聞

平定兩金川方畧卷五十二

欽定四庫全書

平定兩金川方略卷五十三

三月壬寅豐昇額舒常奏言臣豐昇額查達爾山

山頂係金川緊要門戶如一攻獲勢俱自上壓下

且距勒烏圍賊巢路近而直若定期攻取預傳各

營備辦恐賊人知覺併力死守仍難一舉即克臣

豐昇額因於每日子丑間令巴圖魯侍衛及將弁

等分路帶兵前往達爾圖坡下密樹林內埋伏隨

時察視賊番之隙相機襲取茲二月二十八日賊於黎明大霧迷漫之際約有五六百人分作三股潛來希圖劫掠貯礮營盤被瞭哨兵丁望見報知守柵巴圖魯侍衛佛倫泰巴三泰等一面放鎗一面帶本柵官兵前往壓擊正在勦殺之際恰遇臣派往左手埋伏誘敵之兵將賊番衝截攬殺一處立殲賊番五六十名餘賊被傷滾入深箐官兵乘勝追殺直至澗底砍取首級而回其右手派往之

巴圖魯章京官達色等即率兵合力抄殺賊番見
勢猛勇不敢接應俱躲在碉根盡力施放鎗砲臣
亦將大砲及劈山砲向賊叢中施放又擊斃數十
人餘賊竄匿至臣舒常攻取日旁現在籌畫制勝
惟道路寫遠銅筋尚未到營臣舒常留心察看賊
番近日防守嚴於夜而忽於晝又值耕種之時日
間偷出碉卡耕作亦所不免臣欲籌白晝進攻之
舉先於每日派兵七八百名在砲臺左右相近賊

礪使其習見為常疎於防備另選奮勇官兵俟有可乘突然進取以期制勝

同日豐昇額舒常又奏言臣豐昇額自抵宜喜軍營即嚴飭各營將弁約束兵丁凡取柴汲水必令聚集同往毋致脫逃失弁逐日派員查點今據各營領兵將弁陸續稟報取柴汲水之人迷失六名臣等業將該營千把總咨革重加責處外因思賊番屢放夾壩掠害官兵我兵亦可設法痛殲以

抒憤恨隨於賊番出沒之處派出奮勇兵弁埋伏
密林俟有賊番潛來乘其不備衝出搜殺現經數
次已殺死數十人當將割獻首級兵丁獎賞以示
鼓勵至賊番屢被截殺其偷放夾壩伎倆亦必漸
無所施均奏入

上諭軍機大臣曰豐昇額等奏設法進攻達爾圖看來
金川賊番於防拒諸事較之小金川尤有算計每圖
潛行劫掠甚為可惡今我兵均能預先知覺妥為防

範便為無虞現在豐昇額等或晝或夜隨機攻勦所辦俱好亦祇可如此至所需鑄砲銅筋關係要緊已諭劉秉恬上緊趲運並令富勒渾速籌接濟豐昇額等於銅筋物料解到時即趕鑄大砲轟擊尅期集事至達爾圖山梁拒守既堅自係其險要門戶想日旁一帶亦然豐昇額舒常現在分路進攻不拘何路先克即可乘勝迅入但合計豐昇額舒常兩處之兵俱不甚多專事分攻尚恐不能得力今或於日旁地方

酌量留兵少許以綴賊勢而密撤日旁之兵潛往達爾圖併力攻打以出賊番不意或即能得手亦未可定著傳諭豐昇額等善為籌酌至豐昇額等奏賊番屢放夾壩亦令官兵潛伏殺賊等語所見甚是此亦將計就計之法即溫福阿桂兩路均當做此辦理

同日豐昇額舒常又奏言查丹壩距宜喜軍營約百餘里中隔高山大河去歲該土司因力量單弱請派官兵護守業經董天弼派漢土兵七百名帶

往駐守查此七百名係溫福撥給臣六千兵數之內因該處路通金川隘口甚多最關緊要故未撤

回今奉

上諭令董天弼赴彼帶兵駐守但董天弼未到之先現無大員統轄臣等酌委副將李天佑暫駐丹壩俟董天弼到彼時仍令李天佑來營隨剿奏入報

聞

甲辰溫福海蘭察奏言臣等分路攻勦昔嶺自二

月二十七日以後大雪數日高處積至二三尺泥
深徑滑未便仰攻惟晝夜放砲轟擊賊碉第思賊
番知大兵會攻昔嶺現俱蟻聚死守於功噶爾拉
防禦稍疎亦未可定如出其不意突往攻擊或望
有濟遂於三月初一日派烏什哈達曹順等帶兵
千餘前往會同李煦常保住等添撥該處官兵協
同襲擊旋據烏什哈達等報稱是日至功噶爾拉
會合該處將領分兵三路于初二日寅時進發官

兵不避鎗石奮勇直前曹順及賞戴花翎司轡托爾托保帶領瓦寺鄂克什土兵七八名越衆登先逼近賊番第一卡殺死十數人此時中路官兵已至卡牆根下有賊數百人前來應援為官兵殲斃甚多其從右邊前進之兵進至山峯之上殺死礮內拋石放鎗之賊亦復不少攻至已刻而賊番抵拒愈急始行撤兵等語臣等現派人在昔嶺附近偵探路徑仍催取鑄砲物料一俟解到即鑄大砲

轟破昔嶺大礮乘機掃穴奏入

上諭軍機大臣曰溫福等奏分派官兵猝攻功噶爾拉
山口都司曹順及賞戴花翎司轡托爾托保奮勇殺
賊實為可嘉著各賞緞二疋土兵七八名各賞銀兩
即從彼處支給

同日

上又諭軍機大臣曰溫福奏現在軍營積雪高阜處尚
二三尺似此冰雪凝寒自難急於著力官兵遇有殺

賊攻礮之事原當勇往向前若於凍滑中冒險而行轉屬無益而有損且溫福等現在帶兵之人俱非怯懦不前者斷不慮其托故遷延倘冒昧輕舉致士卒稍有挫礙實覺不值而將軍及諸大員尤不宜履險徑行所關甚鉅今已時屆春深日就春暖雪既少而凍亦漸消約計閏月以後人力即易於施展溫福等惟當蓄銳待時以期制勝又何必急急於此日耶至賊衆所恃惟知踞險此外更無他技今各路進剿務

在擣其巢穴諒賊番必不能久抗即或未能滅此朝食亦不過時日稍延溫福等當深體朕意更無庸慮及軍中用度之不足也至需用大砲一事若美諾所存可以運往固屬甚便倘或路險不能亦須勉強項已諭令溫福劉秉恬會商妥辦如竟商有可運之法則沿途當派得力將領帶兵防護切不可僅委文員率夫搬運劉秉恬于此一節尤宜加意毋稍疎虞至于砲之炸裂究係火候功夫不到蓋銅料必須鎔鍊

淨純不使稍存砂眼方能勻整得用即鑄造時每位多費數日鍊銅之工雖緩而可以經久勝於急就之另煩冶鑄多矣

同日溫福又奏言番地五月尚有大雪官兵單帳棲身未免寒冷前經臣派員購辦羊毛氈片製為斗篷帽單散給兵丁既可遮蔽雨雪而夜間又足資墊蓋迄今已歷半年有餘前此所領捐敝居多現在軍營連旬大雪風氣凜冽無異嚴冬轉瞬又

屆大雨時行臣正在辦理間適隨營知府吳一嵩
詳稱上年所辦斗篷帽罩尚餘剩銀一萬四百餘
兩作何應用請示前來臣思斗篷帽罩每套止需
價銀四錢八九分而兵丁得沾實惠較之帳房更
為便利若將此項銀兩歸于核減數內似非所以
推廣

皇仁臣現擬咨明督臣將餘剩銀兩再行採辦二萬套
陸續送營隨時給領奏入

上嘉之

同日

上又諭軍機大臣曰現在官兵分路進剿金川雖值大雪未能尅期深入向後天晴日暖便易于進剿要之此舉有進無退不減不休况各路兵糧足而運餉一事董催籌辦並有專司自可無虞不繼新正業經降旨撥部庫銀五百萬兩解川備用連前共一千九百餘萬未知此項銀兩足敷幾時之用目下軍務尚未

就竣或再遲數月亦未可定國家帑藏方盈即再撥數百萬仍屬寬然著傳諭劉秉恬富勒渾將已撥之項通盤核計約可用至今年幾月如尚須續撥務預行奏聞則自京撥往更可從容運解沿途亦不慮稽延且軍需備項有餘諸事皆便於措置果用之得當朕必不稍有所靳劉秉恬富勒渾即速核實覆奏至於運糧人夫一事最為緊要從前阿爾泰初辦時茫無定見既將遠道民夫亦同派往致愚氓憚於遠涉

接踵逃亡甚至因而派及里下尤非朕子愛元元之意曾屢降諭旨令各妥協籌辦究未知經理若何即如逃夫一節如果受雇在官按例給價並非白用民力此而敢于逃匿悞公自當懲之以法倘係地方官辦理不善或奸胥蠹役從中侵扣雇值致令長途奔走饑餒用乏不得已而中路潛逃其咎又不專在民即當查明舞弊官役盡法嚴治日前劉秉恬曾奏及此已如所請但劉秉恬現在軍營派夫乃內地為政

自當責成于富勒渾川省辦理軍需一切皆官為給發從不肯絲毫擾及閭閻而輓運之勞自不能不稍資民力既已予之雇值又復蠲緩頻施民非無良豈有不知感奮自効者今在站之夫或有逃匿已交劉秉恬等隨時嚴切查拏自可漸知守分畏法至於各屬撥用人夫時富勒渾當留心體察若有不肖官吏或擬派不均或藉端科斂致鄉愚情不能堪釀成事釁所關匪淺且川省向有囑匪一種最為不法設或

經理失當使此輩乘隙妄為尚復成何事體今邊徼軍務未竣內地尤宜加意撫輯倘不實心察吏致民情稍不寧帖惟于富勤渾是問恐彼不能當其咎也

臣等謹按金川用兵以來一切軍儲均支

帑項至運糧人夫啟行則有安家銀兩在途則有口

糧到營又有工價且因口外食物踊騰屢增在

值體恤

深仁至優極渥而凡道途奔走困乏饑寒靡不上煩

宵旰愛民如子之誠淪肌浹髓是以夫役人等于軍營
戰鬪之地毫無畏阻雖復山險雪深往來踴躍
而內地之各安耕鑿熙皞無異常時也

丙午阿桂明亮奏言臣等查當噶爾拉山梁形勢
險峻前此從納圍納扎木進攻俱係向上仰攻雖
佔據靠西山梁與賊地勢相等亦只一面用礮轟
擊作三路進取之勢今既於克碯處所修立營卡
橫截賊碯不但各碯賊番難以彼此照應而官兵

與賊已共在一道橫梁之上當將趕鑄大砲運至
新立營盤東西分擊昨復相度地勢令官兵將營
卡展開逼近西面賊礮轟打是前此之三路進攻
者今已成五路賊勢漸形窘迫每日惟潛藏礮內
偶於礮眼放鎗及於遠處放砲而官兵因相離不
遠更易於察看遇有往來踪影即放鎗砲是以數
日以來擊死賊番不少賊亦不敢復多出入其西
邊之砲距礮甚近力量猛而有準現已一半頽墮

其東邊碉座雖堅然亦已多洞穴惟是雨雪連旬
兼以大霧往往咫尺不能辨別沉凍融泥滑官兵
行走為難臣等心急如火總須快晴幾日即行攻
撲以期必得奏入報

聞

同日劉秉恬奏言臣准董天弼稱近據綽斯甲布
土司遣人投稟有該處從前被擄自金川逃回聞
得金川人說大板昭地空人少要差人去探聽等

語臣查近日小金川番衆自金川逃出者甚多來
時遂加查問並無此語且大兵現住綽斯甲布地
方此信果真該土司應即稟明將軍叅贊以憑查
詢何以僕僕道途遠赴布朗郭宗轉向提督告知
其傳聞之言雖不可不信亦不可盡信臣現住簇
拉角克因距布朗郭宗不遠就近前往查勘傳詢
該處領兵將備據稱大板昭等處現住官兵七百
名近日甚為寧謐等語臣查番地跬步皆山處處

險要今既派兵七百名駐守以之攻戰則不足以防禦則有餘臣又近在簇拉角克地方亦可隨時照應現在飭令駐守大板昭備弁官兵嚴加防範奏入報

聞

同日阿桂又奏言查自前年進兵以來各路逃兵他省調來者尚少而川省獨多即川兵內制兵尚少而未經補額之新兵最多蓋緣此等新募之兵

半係游手無賴之徒是以臣一抵南路軍營即將
卡了及革布什咱兩路新兵沙汰一千餘名其肆
意潛逃者尤不可不嚴速緝拏立予正法以昭懲
儆臣自署提督印務除據將領等一面報逃一面
通行跣緝外惟恐各路員弁視為具文于上年四
月至十一月三次嚴催並兩經移咨督臣轉飭查
辦本年正月內湖廣督臣富勒渾來川署事臣復
劄寄以逃兵之案拏獲即應速辦不可如尋常命

盜案件招解審擬轉輾稽遲是以富勒渾將逃兵
伍君相等訊明正法其在軍營近處拏獲者如從
前之王應九一名及近日之李富春等三名皆經
立置重典查得南山一路及綽斯甲布革布什咱
兩路共計逃兵一百五十五名地方官報獲者尚
少今蒙

諭旨查詢理合據實聲明

同日劉秉恬又奏言

臣欽奉

諭旨令照將軍溫福所奏設法嚴緝逃兵但查摺內所稱盤詰之處俱係附近口內地方距軍營尚遠詳加籌酌尚有口外鄂克什一路之卧龍關跟達橋木坪一路之溝口橋丹壩一路之維關南路之章谷橋又口內之肯雲橋漩口汛等處俱往來必由之路自應一體派弁撥兵設卡盤詰惟現當軍興之際行人絡繹載途勢不能逐名詰詢是必先定稽查之法庶可杜逃脫之漸臣請嗣後凡有遣回

進口之人俱應給與照票在營者將備給發在站者糧員給發鈐蓋印信戳記卡兵驗放始行至各站夫役及隨營貿易人等亦領有本站糧員執照始准進口以除冒混如此則考驗不煩而稽查有據逃兵自不致任意免脫至各處要隘所需員弁現在飛行揀派其放卡兵丁亦已就近調撥俱嚴飭實力查拏不得稍有疎懈均奏入

上諭軍機大臣曰前因川省軍營兵丁脫逃者為數甚

多曾諭令溫福等查明覆奏今據阿桂奏到可見該省辦理殊不認真富勒渾現署川督駐扎成都此事乃其專責著傳諭該署督嚴飭各屬令地方文武大小官弁于逃兵原籍鄰境上緊跣緝一有捕得即于該處審明正法不必解赴軍營復致中途免脫惟將擒獲正法各犯姓名知照軍營曉諭各兵使知儆畏仍將辦理緣由具摺奏聞至劉秉恬係實授總督于軍營之事亦所專司並著傳諭一併嚴飭所屬力查

掣如有仍前怠玩從事者據實叅究至劉秉恬另奏
嚴定查緝逃兵章程一摺所議甚當即照此辦理

同日阿桂明亮又奏言查此次官兵進剿當噶爾
拉所鑄大砲用之一二日即易炸裂臣等不但因
改鑄需時心存焦急亦恐兵丁受傷乃近日砲裂
時亮無傷損此皆上賴

皇上威福

天神垂佑兵丁等得藉以無恙茲復仰荷

聖慈諄諄垂詢曾否傷人凡在行間自無不動心之理
臣等已通傳各營令兵丁等知感無不願進死力
再臣阿桂久在軍營於鑄砲事宜閱歷稍多當初
造之時鍊銅欲淨及既成之後試響宜清苟工夫
火候之俱全自不致有他慮無如臣等進攻心急
不暇更番鎔鑄多延時日是以不無損裂現在臣
等當噶爾拉一路所鑄砲位四座運至各山梁分
頭轟擊均尚為得力奏入報

聞

同日劉秉恬又奏言臣於三月初三日自木果木起程午間行抵簇拉角克即從該處溝口取道前進沿途查看多係偏坡土路積雪已漸消融其一二陡峻處均易修理查由功噶爾拉至簇拉角克係新開之路人夫負重運供不免稽遲今查此路情形比功噶爾拉一帶較為平易且乾隆十二三年進勒金川時原經轉運自應仍於此路安設臺


站似得迅速通行以濟軍食再查木果木舊有糧
臺共計十四站今臣將道里遠近親加核算酌中
安設只須七八站直達軍營合之舊例有減無增
至功噶爾拉防駐官兵口糧仍可於哲爾覺崇德
牛廠等站酌留人夫運送接濟奏入

上嘉之

同日

上諭內閣曰博靈阿自効力軍營頗屬奮勉昨因攻撲

賊礮致被鎗傷方冀迅速就痊佇膺懋賞今據阿桂
奏聞受傷溘逝深為憫惜著加恩賞給都統職銜仍
照贈銜給予卹典其應得世職並著該部照例查辦



平定兩金川方略卷五十三